



柯汀遺稿一

詩

共五

~ 16  
2352  
1



2352  
卷1-5

柯汀遺稿卷之一目錄



詩

與尹叔仲憲氏賦晴

入清節祠

拜始祖墓

春日道中

學士臺

和贈靈潭靈珪大師

玄風瑜伽寺盤松

瑜伽寺陪家大人謹次王考鶴塘府君韻



忘憂堂舊里

蠹石樓

諸將 五首

義巖

望智異山

龍淵寺緣溪作

桐岳和贈詩諸僧

鎮東門九絕句分鎮東門三字循次押韻 九首

安砥平 崇茂 丈輓

臘日

暮雨歸雙湖亭

流澌下

春日書事

村雨

晴夜留洪太和 元燮 登樓

和孟士希 賢大 寄示韻

和東隣

雪後二絕句

至日

卽事

送從弟仁叔 鎮宅 讀書江樓

仁叔宅記卽事

李老佐甫 瑞彪 傲居孟園春日往訪 五首

落花 六首

送書狀官赴燕 二首

楊根有樵夫能詩來過江樓呼酒仁叔及尹兄

儀甫 行儼 共賦

明日又與樵夫共賦

問老杏

老杏答

春陰

春江雜詩 四首

遣意

季春詩樵再過

清明卽事

小寒食雨中作

和士希

夜坐不停筆戲題

浮碧樓次牧老韻

乙密臺

嬋娟洞

箕子墓

練光亭次鄭知常韻 二首

黃菊 三首

季父作楊峽之遊小子追到不及謹次軸中韻

以伸悵懷

七月小望醉起曉坐 二首

九月十日夜江樓拈韻

金水亭 二首

禾積淵

三釜淵次淵翁韻

信宿圓通庵贈淡上人

九龍淵

叢石亭

月夜泛三日浦

望海金剛風惡不能進

猪津道中

海上 二首

仙遊潭駕鶴亭次簡易韻

與權聖和 惠應 共作楓岳東海之遊到江陵分

路臨別寄懷

歷臨瀛留贈太守李仲羽

橫城道中

寄詩龍湫大師轉報達城太守洪太和并序二首

與元子才重舉江樓觀漲

哭金義興成之晚根兄弟

戊申季夏與元子才洪太和江樓卜夜時太和

以尚州牧方之官而子才明又還山三首

訪勿川幽居次軸中韻

辛亥除夕次兒輩韻三首

元朝

謹呈洪台述祖秉纘辟席

終南夜樽三首

更續五律三首

拈韓子蒼韻

拈得青字因賦

解官

畫柳

人字贈鄭生

三瑞堂

新元十韻

贈商隱後孫成生厚之 并序

題洪吏部述祖墓

奉和 御製華城進饌韻

奉和 御製華城將臺 親閱城操韻

差祭 健元陵瞻望 元陵象設入眼謹步獻

官金都尉 箕性 愴懷之作

沁都考史和申地主 光河 吳翰苑 泰會 二詞伯

韻 四首

出山

留別 二首

忠烈祠用權留相 禩 韻

奉和 御製 慈宮周甲韻

贈申通判 并序

騎省直中感秋

月宵拈溫飛卿韻

奉和 御製 慈宮誕辰韻

城上送客

採得官池蓮子分餽崧齋叅講諸生

逝斯亭次板上慕堂韻

舟遊赤壁

和贈書狀官李汝幹 翊模

龍恩君尹公 瑛 改葬輓 六首

松京懷古

拈衣字與諸文士唱酬 并序

以都承旨華城陪 鑾歸路奉和 御製遲遲

臺韻

右相尹公 著東 輓

永平道中

白鷺洲見亭閣已毀

蓴潭 二首

北寬亭次板上姜通亭韻 二首

遼東伯致祭席上拈崔簡易送李提督韻


夜投玉屏李子敬 堯欽 家

玉屏書院次思庵先生韻

褒忠祠次農巖先生韻 六首

輓人 二首





柯汀遺稿卷之一

詩

與尹叔仲憲氏賦晴 癸酉

雨歇烟雲捲悠然我自閒晴光生遠樹秋意入前山  
鬪鴨浮溪上鳴蟬出葉間天空新月冷樽酒客忘還

入清節祠 丙子

蒼苔白石廟門前半日溪行入洞天萬丈峰頭今夜  
月先生遺像兩高懸

拜始祖墓 戊寅

豈知初得姓吾譜自公傳後裔蒙遺烈前朝有相賢



雲仍三十世香火一千年古蹟無從問躄踏石碣前

春日道中

和風柳偏受春意鳥先知駿馬平郊上天晴二月時

學士臺 己卯

世亂全家隱人叵梵宇開神仙傳古木學士號荒臺  
杳杳雲猶在招招鶴不來江山遺我輩長笛盡情哀

和贈靈潭靈珪大師

入定窮山問幾春片雲獨鶴出風塵如今八十猶香  
舌能誦楞嚴說與人

玄風瑜伽寺盤松

一樹盤松滿壑陰密如張幄坐人深何方移汝通衢  
上不負生來大庇心

瑜伽寺陪家大人謹次王考鶴塘府君韻

爲是遺篇在瞻樓已下鞍偶乘秋色晚欣續舊遊閒  
杖屨逍遙地子孫慕仰間盤松期後者珍重耐千寒

忘憂堂舊里

曉過忘憂里荒山大樹風紅衣天定降白馬自相從  
百戰豐碑在千年古宅空存齋三世烈又出一門中

蠹石樓

書生悲憤此登臨流水浮雲變古今彰烈祠前猶殺

氣落花巖下尚春陰誓師古渡飛鴻亂沉戟寒沙苦  
竹深莫向江干吹暮笛無端風浪起波心

諸將

公在何憂賊復來晉陽士女至今哀迭圍十日窮蠻  
計獨保孤城見爾才乍喜長風摧古月却驚飛礮動  
晴雷新更約束誰家子蠹石樓前掃劫灰

右判官金公

時敏

傳檄湖南彰義聲懸軍星夜赴孤城張巡獨遏江淮  
勢祖逃空懷掃蕩情趙壁相環十餘陣漢關垂盡數  
千兵可憐蠹石樓前水成就君家父子名

右彰義使金公

千鑑

父死於君弟死父一門忠孝錦山高潛瀾血淚書飛  
檄痛哭衰衣穿戰袍薪膽何嘗忘馬革干戈初起判  
鴻毛此冤未雪城圍急恨入晴川嗚咽濤

右復讐將高公

從厚

江上千年戰血紅蒼茫往事問征鴻登埤力戰張知  
縣對敵出奇黃令公節佩湖西同國事兵提海邑識  
孤忠文儒慷慨嗟何補二士成仁飛礮中

右兵使黃公

進

縣監張公

潤

樓下長江尚怒號李公之死最雄豪城亡腋挾青衣

將力盡魂隨白馬濤欲得此時明白死却呼自己姓名高至今不盡魚龍泣人世空隆 聖主褒

右府使李公 宗仁

義巖

義妓巖前吊古來水流花落使人哀靚粧姣姣城亡日巧笑亭亭壁立臺未必雙蛾關勝敗猶除一虜報涓埃至今煥有雲根刻大字闌干不蝕苔

望智異山

迥瞻烟靄邈難攀立馬爭看智異山卓爾遠為南國勢迢然高出衆峰寒透迤雲擁兒孫列汗漫人期仙

佛間稍待春風消雪後將登絕頂叩天關

龍淵寺緣溪作 庚辰

倚杖春溪側脫巾亂木間起居隨白石應接盡青山灑氣全侵座晴輝欲上顏吾行良會意雲鳥與俱還 桐岳和贈詩諸僧

說法評詩共佛燈窓前流水夜來澄此中知有奇男子豪傑東南半隱僧

鎮東門九絕句分鎮東門三字循次押韻

粉蝶周遭大野鎮滿城桃李春風順遙知未發長安花願馱香泥驛騎進

其二

官花街柳繞城東一帶微黃與淺紅  
淡蕩韶光分萬戶春營榮戟正當中

其三

春郊柳色上青門野外東風穀雨昏  
雨後漸看春意亂桃花潛奪杏花魂

其四

春氣委靡不可振憑陵花柳勢難鎮  
東風吹幹天機來二月中旬雷欲震

其五

早關關門春氣通好風微雨入城東  
須臾綠盡官橋柳畫角樓頭曲未終

其六

花氣濛濛擁萬村十分春色到邊門  
烏啼欲雨樓陰夕楊柳微風吹一番

其七

樓上春風向晚多滿城笙鼓動花信  
悠然坐對千家春南國繁華第一鎮

其八

花飛如夢灑晴空吹面時來楊柳風  
睡起忽驚春事

晚一羣啼鳥盡樓東

其九

趨庭仍自滯南藩  
花柳參差歲月翻  
春色北歸如好伴  
悄然徙倚鎮東門

安砥平

宗茂

丈輓

辛巳

吾愛吾鄉有古人  
坦然言笑露天真  
泉門立雪薰先覺  
道院尋春聳後塵  
臭味正佳咬菜境  
絃歌猶隔賞梅辰  
公今已矣生芻吊  
肯把黃金更買隣

臘日

壬午

君歌太白將進酒  
我讀淵明歸來辭  
歡呼秉燭徂清

夜幾樹梅前幾首詩

暮雨歸雙湖亭

乙酉

漢臯春樹萬人家  
細雨濛濛濕岸沙  
十日東風冰雪盡  
鳧鷖搖蕩去年波

流澌下

東湖二月下流澌  
滾滾浮浮逐浪西  
薄暮偶聽江叟語  
商舟明日上黃驪

春日書事

日暮東風渡水來  
蓬萊山色鬱崔嵬  
溪雲谷霧溶溶起  
併作春江一夜雷

村雨

三日東風紫閣峰  
郊原樹色翠重重  
江聲自得添潮  
大山氣渾因釀雨  
濃谷口烟嵐埋虎豹  
波心霹靂動  
魚龍憑樓謾被風  
光惱吟到詩成已午鐘

晴夜留洪太和元燮登樓

我居亦云僻  
經夏復誰來  
臥病滄江晚  
逢君積雨開  
古琴臨水石  
明月共樓臺  
遙憶天南海  
故人猶未迴

和孟士希賢大寄示韻

晴雪疎雲淡  
我居瑤琴一曲意  
何如欲知盡了三生  
債天下名山與古書

和東隣

歲律駸駸屆臘旬  
烹羊爲樂更愁人  
匣琴流水懷知  
已隱几青山對  
上賓竹葉已孤前  
夜雪梅花不是舊  
年春詩緣偶與芳隣  
接彩簡冰毫寄興頻

雪後二絕句

大雪埋千壑  
登樓逸興多  
馬卿今不在  
奈此兔園何

其二

霽月通書幌  
風扉時自開  
如何今夜雪  
不見子猷來

至日丙戌

恨了羲和錯  
授時分排節序太規規  
一年若作三千

日好是人間歲月遲

卽事

病夫非絕俗疎懶出門稀歲暮聊相樂山寒且莫歸  
竹根經雪蟄梅萼和烟肥園鶴鳴何意蹠蹠近我衣  
送從弟仁叔

鎮宅讀書江樓

前年養病滯東林悵梅時每獨吟戶外鳥啼神自  
定籬邊木落坐仍深水江月色蓬山曉古寺鐘聲翠  
壁陰君我去來鷺鴻跡離思歸夢並難禁

仁叔宅記卽事

戊子

居然黃菊過重陽殘藥猶堪泛大觴却恨主人方臥

病青驢齧盡半庭香

李老佐甫

瑞彪

僦居孟園春日往訪

己丑

風流李老未全貧孟氏名園作主人與子登臨憑晚  
矚今年管領萬家春

其二

傲骨枵然云已衰猶能飲酒賦清詩惜哉君輩相知  
晚少日風流未見之

其三

落落登臺坐渺然春風浮動角巾前愁君待客貧無  
酒筇屐來時已帶錢



其四

亡羊得馬任行藏何必區區卜我生但喜長安新雨  
後閒從季主說陰陽

其五

花未開時酒未醅登臺落日意難裁直待眼前春事  
爛爲君載酒訪花來

落花

萬點飛紅有底忙春光已過九分強縱然減却繁枝  
色剩得平鋪滿地香烏惜餘芳啼故緩蝶連殘藥夢  
應涼自開自落元如此莫遣傍人在斷腸

其二

風回珠樹捲芳輝地上稍多枝上稀西子去吳留艷  
迹昭君辭漢減紅肥猶堪睡裏依依度莫向醒邊細  
細飛早識今春風雨數不如栽竹近簾幃

其三

山香一曲惜將終怊悵林園錦障空生意潛傳新葉  
綠殘英巧耐下枝紅芳菲豈厭長春色榮悴都歸十  
日風莫道英華凋落盡明年芳信較今同

其四

多恨春粧了不嚴臨風紅淚灑廉纖綾羅機上紋全

錯珠貝盤中色轉添駿馬驕回香陌暖遊蜂嬾入蜜  
房話佳人晚晚時難住贈以芳華倘勿嫌

其五

殘紅入酒亦堪哀猶有遲遲未盡開錦帳纔虛風自  
度臙脂欲落雨頻來渾疑點點飛梁苑忽復娟娟下  
楚臺但使春光長在眼不嫌嬌燕掠芳迴

其六

歛却千林霞彩蒸迢迢芳信向誰憑繁華夢罷迷塗  
土色相身空悟界僧未忍委塵時泛酌幾憐經雨夜  
留燈東風又是多情思吹送深深繡幕登

送書狀官赴燕

燕山冰雪也崢嶸歲歲星槎賦北征玉帛路經松杏  
堡遼金地盡鳳凰城奇遊縱躡龍門迹歷聘殊非季  
子行君去試看天下勢近聞蠻徼大交兵

其二

專對方看屬子身鴨江之外卽殊隣春秋無處觀周  
禮章甫如今適越人白塔城邊驅馭日玉河館裏飲  
冰辰茲行但使齋忠信槎事年來見罰頻

楊根有樵夫能詩來過江樓呼酒仁叔及尹兄

儀甫

行儼

共賦

樵者從峽路敲推到江扉誰復編箕雅應添一羽衣  
明日又與樵夫共賦

宿醉憑遐矚斜陽雨度溪亭連孤鳥外山向二湖西

問老杏

萬樹競繁英知是同雨露何事西隣杏花開稀可數

老杏答

一枝猶桂香片玉亦崑寶莫笑開花疎疎結子好

春陰

漠漠春陰漢水堤白鷗飛去暮雲低生憎楊柳絲絲  
弱每逐東風盡向西

春江雜詩

漠漠江雲拖谷烟春光堪畫又堪憐千林淑氣薰深  
酌百鳥和聲入細絃仲蔚詩書三畝宅潘安詞賦二  
毛年回看柳外冰初泮料理前冬繫岸船

其二

林臯雪盡谷風來畫裏亭臺水一隈天氣乍暄歸鴈  
喜春陰欲雨老龍猜貧猶不賣蓮花鏹病且能銜竹  
葉杯聞道江南芳信早呼兒理屐正時哉

其三

臨江亭子宿雲過槐柳陰西抱膝歌漁戶春光專水

國風帆遠勢捲晴沙卜居久爲滄洲近學道無如去  
日多聊喜隣朋來起我一樽清月湧金波

其四

一區幽閒啓巖扉多少漁歌帶夕暉汀草近連門柳  
嫩村鷄慣逐水禽飛醉來真作江山主春後方知造  
化機久欲携君偕隱去遐情不覺楚狂非

遣意

蘂島之西鷺渡東幅巾凭檻日初紅傳經愧我非劉  
向乞火無心借蒯通自罷雲邊遙鶴夢來依巖下老  
梅叢霜鏹一片琴三疊怱悵何人卜異同

季春詩樵再過

的歷春鴻下水城冰霜何處一番更別來消息尋梅  
友春後工夫付麩生寂寂巖花猶本色依依江柳繫  
遐情龍門此去非天上知爾山筇懶起程

清明卽事

壇槐春色老亭亭百五村烟冷不青野鶴依林牽夢  
遠山人餌藥吐辭馨簾花數應河圖衍杯月圓如太  
極停折得庭梅何處贈漁舟日上廣陵汀

小寒食雨中作

江閣東風燕子高棊朋詩老兩相豪浮雲細雨作寒

食白水青山咏楚騷時序百年如隙駟文章半世等  
鉛刀陶然坐待盈樽酒何似顏淵不厭糟

和士希

大江抱山轉轉過幾千峰直到蓬萊曲遠遮長樂鐘  
主人方晚眺春物已全濃催喚東隣伴漁絲繫竹筇  
夜坐不停筆戲題

一曲陽春發古心欄干百尺大江臨花邊把酒山初  
暖林下留賓洞欲陰已喜琴書非俗物更將泉瀑滌  
幽襟有懷薄暮仍延佇隔水鐘聲隔岸砧

浮碧樓次牧老韻

地是千年國人方五月樓錦峰晴可畫麟窟颯生秋  
山水自無敵古今誰壯遊忽聞漁子唱知爾擅風流

乙密臺

浮碧樓前載醉迴更將斜日上崔嵬關門紫氣朝天  
遠故國澄江繞郭來事去千年猶勝地客遊三月幾  
高臺從知浪上多佳麗酒杯無處不宜開

嬋娟洞

錦綉山前珠翠葬至今雲雨送黃昏誰知一種香塵  
下亦有當時斷臂魂

箕子墓

涓城箕子國陵墓對宮墟石馬千年白苔龜半面書  
人從秋草過樹入暮雲餘遺化應終古青山却自如  
練光亭次鄭知常韻  
漠漠風帆城下過朱欄影入碧波斜晚來醉倚樓頭  
望西子湖邊十萬家

其二

雲捲芳洲月色多佳人慣唱渭城歌縱然故國東風  
惡猶作樓前錦繡波

黃菊 壬辰

黃菊花明駐夕陰憐渠籬下托根深風霜閱去終無

愧枝葉排來儘有心盡取清香供晚酌每尋幽處引  
高吟年年多恨尋常看好結芳盟繼自今

其二

種得黃花紫閣陰重陽時候與俱深霜前自作春風  
面歲暮翛然太古心且可無言坐佳境不須多事惱  
清吟靈均太苦淵明淡知已悠悠竟至今

其三

紅葉繽紛映夕陰黃花的歷耐秋深真如金粟三生  
面宛在水壺一片心清露濕衣生氣色寒香繞座入  
歌吟不緣冷蘂遲遲發那得芳華也到今

季父作楊峽之遊小子追到不及謹次軸中韻  
以伸悵懷 癸巳

江山不換作三公曲曲烟霞處處同  
珍重先生蓮社約數詩留在水村中

七月小望醉起曉坐

中夜翻收積雨昏碧天如水染無痕  
秋聲乍動涼生簟醉夢初醒月滿軒  
自笑無心還有思從知愜意便忘言  
看看庭樹晨光起啼鳥吟蟬鬧一番

其二

夕醉牽成半夜眠狂歌起坐望長天  
有誰吹去炎雲重向我高懸霽月圓  
皎潔全身疑化玉清冷一夢訝成仙  
不知已出塵埃上猶向佳人欲結緣

九月十日夜江樓拈韻

江岸秋光隱老槐夜深燈燭坐高臺  
平田一望黃雲宿明月三更碧落開  
佳節自來傳落帽此生元不學停杯  
寒花浥露香猶早與子巡籬日百迴

金水亭 甲午

蓬萊大筆洞門幽此地重來二十秋  
爲問白雲之舊主風流何似少年遊

其二

梅江遺稿 卷之一  
日落金沙水檻幽孫郎消息楚雲秋若教此地無奇  
絕何必當年淹客遊

禾積淵

蒼崖一道貫清流中有雲根水上浮疑是雙撐金鳳  
髻忽然孤聳玉龍頭澄潭上下通靈氣斷岸參差護  
素秋從此東行多勝槩不知何處與相伴

三釜淵次淵翁韻

一逕盤迴西復東攀躋分寸據穹崇雙崖對峙浮雲  
上三瀑相承亂壑中古壁寒楓秋與抗落花流水路  
猶通休將白石題詩句文藻空山屬主翁

信宿圓通庵贈淡上人

滯雨圓通夜懸燈蘭若秋有僧如古木看我似虛舟  
偶到雲深處真成象外遊聞茲多異躅憑子以陰求

九龍淵

乘晴攀鳥道憑醉瞰蛟湫雷撼千峰日雲蒸九郡秋  
山川窮造化天地亘源流焉得莊生瓠千番洗兩眸

叢石亭

削來羣玉聳層濤六角天然簇立高華表柱寒歸白  
鶴滄津駕老接霜鰲剛風萬里掀難倒間氣千年結  
愈牢恨不携來顛太史令渠百拜乞爲曹



月夜泛三日浦

醉客蓬萊初罷眠  
永郎消息杳無邊  
那知三日湖中月  
自弄蓮舟化水仙

望海金剛風惡不能進

滄海中間白玉巒  
風濤浩渺夜生寒  
沙頭悵望情何似  
瑤草丹砂與馬肝

猪津道中

行行沙岸上日出  
客思迷忽覺遊仙  
夢寒濤拍馬蹄  
海上

三千客路踏寒花  
行盡遙遙碧海涯  
鹽竈大都充上

額鮑氓半是屬宮家  
風翻水市魚來少  
霜剝梁田鴈  
去賒聞道清秋宣  
化路海山佳處駐  
高牙

其二

朝發襄陽暮江州  
原平湖闊見白鷗  
沙棠挾路紅堪  
摘海竹縈堤翠不收  
大抵嶺東多淑氣  
居然吾輩領  
清秋阿誰勸送滄  
溟月馬首迎來失  
客愁

仙游潭駕鶴亭次簡易韻

鏡水東頭半月陂  
日華浮動碎琉璃  
仙游亦似人間  
樂勾引江河細入池

與權聖和

惠應

共作楓岳東海之遊到江陵分

路臨別寄懷

半世疎狂亦有羣無如夫子擅清芬同來海岳千餘里各散江陵一段雲路入五臺天近我秋生四郡月隨君縱然不得同歸去俱在青山白水濱

歷臨瀛留贈太守李仲羽

蘆荻花邊艤彩舟仙風吹我到瀛洲遊人袂濕蓬山翠太守官臨鏡水秋千里逢迎如夢寐數年詞賦盛風流聊知明日城西路頭白難忘一去留

橫城道中

溟嶽三秋出入身歸來黃葉滿衣巾那知峽淺霜飛

晚林下猶逢採果人

寄詩龍湫大師轉報達城太守洪太和

并序  
壬寅

昔余於己卯夏遊伽椰山之國一庵遇一沙彌名世瓘年甚少眉顏如畫頗聰明解文字意者所出不微令人可愛遂作詩贈之蓋惜之也今至二十有餘年南方山水無因而至世瓘存亡不可知壬寅仲春有一老釋號龍湫大師訪余於龍門山中自言有舊熟視余曰能記我乎否遂探懷中出舊所贈詩依然若昨日事而今我非故我師亦老矣師之名

亦改矣苟無詩孰知前日之世瓘也哉回念少時遊殆屬前塵影事一讀一歎益知詩之不可無也且言近住達城之桐華寺與地主語出示其橐中所藏道其將訪余也太守余故人也今之歐陽子也視師若曼卿之秘演焉因其來和韻而寄余余美其風流之遠也遂疊前韻謝之

紅流洞裏贈詩初青帝峰西話舊餘二十年來看共老春風君亦滯銅魚

其二

蓮社梅軒結契初故人消息白頭餘久知南嶠多奇產不獨萊柑與蔚魚

與元子才

重舉

江樓觀漲

丙午

鷺立鷗浮占界寬岸楊無力障迴瀾樓前解纜留人宿花下開籤倚酒看萬事無如高枕足衰年轉覺勝筵難憑君寄語楊江伴磯上能容幾釣竿

哭金義興成之

晚根

兄弟

急難高風碧店霜杏湖春酒又相將那知此地埋雙玉不盡東風野草香

戊申季夏與元子才洪太和江樓卜夜時太和

以尙州牧方之官而子才明又還山

相看霜雪各盈頭十載之前醉此樓羅雀門開生氣  
色登龍舟去挹風流遐情舊許叅羣鹿懶夢初分伴  
彼鷗明日孤帆兼五馬莫教春酒動離愁

其二

繫馬維舟水上頭乍涼巾服簇西樓金蘭獨仗三千  
客文藻仍兼第一流過雨偏沾孤逕草晚暉遙曬半  
江鷗臨觴却憶芸香吏此會其如少一愁

其三

故人逢別暮江頭柳拂長堤酒滿樓驛路連天渾雨

色歸舟終日且中流風微古閣迎棲燕潮落平沙點  
浴鷗白髮休嫌春事晚一杯酒可強人愁

訪勿川幽居次軸中韻 辛亥

荒橋細路少人行遠叩幽棲趁月明遊屐晚從蓮社  
會奚囊秋滿竹溪情雲歸古洞尋龍跡石老空臺憶  
鳳鳴願得華山青一半無名子對醉先生

辛亥除夕次兒輩韻

寒隨更漏盡春逐管灰移白髮江湖夕殊非餞歲時  
其二

蒼顏半倚醉時紅走入兒童笑語中爆竹頌椒渾俗

物梅香酒氣便春風

其三

任我顏毛改欣渠頭角生梅殘留臘色琴潤忽春聲  
水國匏樽晚誰家蠟炬明愁心如斗柄終夜繞東城

元朝 王子

老去春回轉眄間人非還少歲空還東風欲動魚龍  
水頑雪難封虎豹山栢酒祇堪兒輩勸梅香留待故  
人攀潘郎較我身猶健直是逢秋鬢始斑

謹呈洪台述祖 秉纘 醉席

如雲賓御盛筵初孤客城東午夢疎春酒勸君應盡

醉何人識得膾鱸魚

終南夜樽 甲寅

一枕遊仙懶夢稀江湖歲暮白雲飛且留對酌看梅  
興徐待朝天踏月歸隻手詎能醺造化寸心元不慕  
輕肥床頭黃卷惟知己任爾兒曹有是非

其二

咫尺春明一出稀鄉關百事夢孤飛梅盆借去須君  
護漁網推來待我歸雪後幾成香界飲江寒正想鯉  
魚肥君恩未報身難訣不是滄洲吾道非

其三

簿書日接故人稀  
拄笏西林夕鳥飛  
雲擁紫宸仙仗入  
雪融香陌錦衣歸  
秋官不薄心先冷  
厚祿多慚道豈肥  
看取百年何事業  
枕中丹訣半成非

更續五律

北斗何其轉東方  
若箇明雲開趨禁闈  
月出夢江城才弱  
君恩重身衰宦念輕  
凋顏聊借酒強趁少年行

其二

樓高仍遠眺日落且餘明  
古木雙分巷鄉山半出城  
雪晴詩韻冷梅落酒香輕  
自笑非高尚生疎聽漏行

其三

疎才非世用猶解頌  
君明泛粟拯瀛島憂灾撤華城  
雪融宮漏暖烟捲市旗輕  
濟濟羣龍會何妨逐隊行

拈韓子蒼韻

梅香酒力破層陰  
一室春風坐我深  
老鶴元來天上物  
孤桐自作太初音  
才疎漫被金丹誤  
道久何嫌白髮侵  
人事天時看更暮  
請君留取歲寒心

拈得青字因賦

咫尺鄉山近城雲不掩青  
夜虛兼淺雪天迥倍寒星

塵牒愁難了宮鐘老更聽停杯何所憶非醉亦非醒

解官

牙冠還是滿頭塵一遞恩深臥病人時際垂衣稀白  
簡才非補袞愧朱輪樂天達矣猶嗟老楊子超然且  
逐貧堪笑此翁謀更拙床書空草賑流民

畫柳

秦根隋葉筆端移底事千年不長枝春日多情留翠  
蔭東風無力動纖絲長條拂地攀堪久軟絮飛空落  
更遲請看章臺秋色早不如對此長相思

人字贈鄭生

雲秀

四十麻衣混俗塵惟吾許爾古之人金丹消息留孤  
枕文字光陰托逝輪襟抱本寬何苦滯容顏常好未  
云貧從知青紫皆身外何似優遊作舜民

三瑞堂

即先人三兄弟所居之室以表德為扁也

濃於水墨淡於粧喬木叢梅歲月長小劫風霜經去  
後春光先入舊書堂

新元十韻

乙卯

祈穀歸來酒滿樽新年人事夜留髡春光誰畫昇平  
像元氣天回斗柄痕上苑風微萱欲動江城雪盡鴈  
初喧青春付與兒曹事白首其如 聖主恩老去未

和江遺和 卷之一  
除湖海氣詩成不慣大夫言經寒老柳風情在結子  
標梅氣味存自是衣霑新雨露非無家在舊江村絲  
毫未報心徒壯天地無私物自蕃薄宦漸於文字冷  
衰眸愈向簿書昏春來正飾朝家慶霜鬢東風又一  
番

贈商隱後孫成生厚之 并序

商隱成公商山人卽世稱 大明處士東郭  
公之胤也本州狀兩世節行聞于 朝有司  
言忠孝大名也同時并褒爲泰於公不及焉  
吾黨之士惜之爭爲詩文以慰其孫厚之之

行余亦以托名爲榮畧綴蕪辭佐其下風云

商嶺清風洛波聲名鄉又出小隱成 尤翁於大谷碑  
謂退溪稱隱成

云 滕菰有本天非偶殷竹生孫物各誠一士斗南高

世行百年吾道竟誰明空餘壁上尤翁筆偏感篔簹

歲暮情

題洪吏部述祖墓

梅謝交情五十春驪江斜日一沾巾羞將白髮拚新  
契悽對青山吊故人天上鶴歸無處覓人間花落有  
誰親宣公素志蘭陵恨萬事悠悠陌上塵

奉和 御製華城進饌韻



吾王燕喜作豐新花甲年回八域春岡阜頌騰營洛  
日瑤桃歌屬進瓜甸筵前吉氣叩賓御勝裏天香戴  
聖人仁政如今推 孝理省耕養老做東巡

奉和 御製華城將臺 親閱城操韻

嚴兵 仙寢護茲事 聖猶勞山與心城峻樓兼特  
地高連營三輔冠登堞五陵豪習戰仍詩令疎才愧  
奪袍

差祭 健元陵瞻望 元陵象設入眼謹步獻

官金都尉 箕性 愴懷之作

七陵佳氣四時清更值端陽霽景明老樹纔經新雨

潤崇岑迥與白雲平餘生萬事心猶結中夜悲歌德  
莫名簪履又看仙尉在殷彝奠處憶幽觥

沁都考史和申地主 光河 吳翰苑 泰曾 二詞伯

韻

燕許家聲祖若孫風流今古振詞垣絲綸妙手人皆  
艷湖海詩名老更尊醉墨雲留藏史閣清談月上對  
潮門自慙塵骨攀仙袂溟嶽萍逢亦 聖恩

其二

機頭雲錦出天孫磊落文星降紫垣水國賦詩滄海  
湧靈區藏史碧峰尊殊鄉酒席仍傾蓋十里郵筒便

對門此地奇緣誰所賜百篇都是說 君恩

其三

峰號摩尼灘號孫淋漓仙衛度戎垣居留福地聲威  
重太史名山禮貌尊華軸帶僧雲灑壁嘉肴侑客海  
臨門休嫌久處招提境要報君恩奉佛恩

其四

雄如寶劍出烏孫麗似仙葩耀禁垣使相詩鳴東國  
盛老丞詞感北辰尊幸隨雲漢棲山閣莫遣風流滯  
海門不恨摩尼遊未遍千金一需竟誰恩

出山

睡罷桐枝已長孫依遲我馬出沙垣香留玉字江山  
麗雲護瑤籤殿閣尊天上姓名題石室人間書史記  
龍門纔抄荒政逢時雨倚蓋田頭說 聖恩

留別

十日湖山醉且歌臨分還似夢中過風雲書閱神仙  
窟簫鼓船迴太史河沙岸霧開青草徑海門潮捲白  
鷗波摩尼秀色猶難別水曲蒹葭更爾何

其二

孤雲晚靄丈人城楚色西南海色生一抹畫圖華岳  
迥百年襟抱大江平豪情老吏揚詩令危憤書生倚

角聲始覺弛張元一事細論文是劇談兵

忠烈祠用權留相 禪韻

涖灘遺蹟此間尋古廟荒涼草樹森不盡湖山餘怒  
氣有時風雨作淒音金湯竟壞阿誰手灰劫長燒烈  
士心賴有文章黃太史陪臣傳裏每沾襟

奉和 御製 慈宮周甲韻

瑞茨迎瑤甲靈桃佐玉觴 孝隆千乘養歡飾九韶  
張華祝騰賓席萊衣襯袞章請看天保象升日在東  
方

贈申通判 并序

去夏考史于沁都地主申令公今世之詞伯  
也相與邂逅於海山佳處唱酬成帙分藏篋  
笥今又偶會於銀臺直中各誦前後詩篇又  
各步其韻依然往時光景亦一詩社之奇緣  
也茲記小序以志不忘云

文初本曠達一棹更飄然湖海神仙吏文章五十年  
樽臨秋水冷帆帶落霞鮮老去萍逢跡浮雲石室邊  
騎省直中感秋

青黃半葉掖垣東恠底秋來不受風雲近禁園霜候  
晚為君留着老梧桐

月宵拈溫飛卿韻

今宵月是故鄉明咫尺南湖接禁城衙罷焚香猶俗  
事醉中搔白亦豪情矯如鶴背春雲動冷似梅梢瑞  
雪輕但使家傳文史業生兒不要作公卿

奉和 御製 慈宮誕辰韻 丙辰

南極星連北極前周王喜色老萊筵臣將何物修方  
貢跪進崧山壽萬年

城上送客

前朝明月故人宵城上西風度玉簫銀燭金樽當水  
檻龍山秋氣夜迢迢

採得官池蓮子分餽崧齋叅講諸生

官池秋水老荷香墜粉紅時子滿房惆悵花潭人已  
遠手擎珠寶遣誰嘗

逝斯亭次板上慕堂韻

臨流講易禽魚叅紅葉如花水勝藍欲識先生光霽  
像清風明月與虛潭

舟遊赤壁

花石亭下泊霜楓對酒樽濕雲浮半壁知是夜潮痕  
和贈書狀官李汝幹 翊模

簫鼓南樓送客筵深樽無力駐離絃不知此去城西

路幾疊青山幾曲川

龍恩君尹公琰改葬輓

喬木鵝村舊草堂三忠之後一先生眉間紫氣寬和  
像吾祖當年有肖甥

其二

鸞姿驥步棟樑材半世詞垣筆作堆四六文章徐庾  
體三千禮樂賈鼂才

其三

公車困跡髮星星墨綬行裝似泛萍潦倒猶然餘憾  
少 离筵昔日久橫經

其四

葱鬱靈槐綠滿壇溫宮遺澤教人看如今崇報緣何  
事手植元非詔縣官

其五

公長先君十歲兄青春翰墨白頭情至今三瑞堂前  
月猶向庭蘭砌竹明

其六

嘉陵水石舊桐鄉民吏攀和淚更長試看漢南飛鳳  
地花山一曲在西方

松京懷古

神人裘馬跡如鴻五百光陰一夢空古塔雲隨王氣  
冷荒臺花發夕陽紅元非漢季無賢輔自是殷衰有  
狡童且置興亡人世事山河依舊畫圖中

拈衣字與諸文士唱酬

并序

月汀尹公之尹茲土也嘗於暇日揀取能文  
之士數十人會于府中考其試劃讌以酒食  
又各賜韓集一部已又命韻賦詩其事傳於  
掌故家可考也前輩爲政非直繭絲爲保障  
也非直保障又從以鋪鴻藻賁太平其風流  
文物照耀故都彼叔子之遊峴首庾亮之讌

南樓非不爲千古美事然其所與遊且讌者  
直是幕裏之僚佐耳又曷若延鴻儒接騷人  
極一府文事之盛哉

故都梅與雪淡月遞斜輝前輩餘臯比英才在布衣  
桐鄉春酒熟貧谷素心非偶爾斯文會携君送歲歸  
以都承旨華城陪 鑾歸路奉和 御製遲遲

臺韻

是日 珠邱拜何年劔舄行七分纘戎服萬歲護仙  
城盛德山同峻餘輝道所成明知臺下雨留蹕慰  
宸情

右相尹公 著東輓

梧老孫枝大憂堂宅相開典刑元豈弟才學又修能  
仙鶴人間下春風面上來當時孤島謫不幸兩家灾  
末路追先契餘光借鹵材魯瞻嚴衮鉞殷卜協鹽梅  
秉直圓無滯推公道自恢溫申嗟未究箕尾遽云催  
北極台文圻西暉夜哭哀廟門餘涕淚曾志托誰裁  
永平道中

永平道中

碧峰無限白雲飛竟日行行遇客稀官仗迎賓當道  
出店驂知路到郵歸不妨繡服穿深峽自笑征塵度  
釣磯處處名山如許好春風空長薜蘿衣

白鷺洲見亭閣已毀

魚鳥歡迎笑禿頭溪山小劫又悠悠元無崔顥詩題  
上空碎千秋黃鶴樓

蓴潭

盡日沿清澗蓴潭發興新洞呀崖陡絕溪齧石嶙峋  
袍笏巡魚鳥溪山乍主賓隔林茅屋小知有避喧人

其二

落落孤樓迥不勝松間俯嘯水雲蒸溪流幾曲清商  
激石勢千層白玉稜天下有山多鄭谷人間從古少  
孫登潭心照得蓴芽潔知味伊誰也鮮能

北寬亭次板上姜通亭韻

北寬亭下古東州隋柳唐花遠客愁殘郭斷雲遙帶  
雨清笳落日颯生秋山田麥熟公庭寂古木風多一  
院幽請看烟霞携滿袖藍輿知自蓴潭遊

其二

深樽落日霸王州一半清歡一半愁遼伯故山留客  
晚秦封喬木向人秋長歌直送孤雲白遠樹徐開絕  
峽幽自是風流逢地主使臣非敢愛春遊

遼東伯致祭席上拈崔簡易送李提督韻

柳下何山吊鬼雄寥寥華誥贈遼東男兒未挽深河

水怒氣長嘯大漠風左海光華天下重 皇朝文物  
百年空微臣奉命寧丹荔故廟蕭蕭白雨中

夜投玉屏李子敬堯欽家

蒼玉屏東訪隱淪遲遲我馬夜逾津祗應草屋蕭蕭  
下細雨疎燈待故人

玉屏書院次思庵先生韻

清芬遺躅偃蜷山白雨纔過長谷蘭玄觀重遊春黯  
黯仙舟一去水漫漫林間繫馬花香動石上行杯酒  
氣寒忽見漁翁如鷺起翩然深入荻花灘

褒忠祠次農巖先生韻



和江道和卷之一  
鼓角時時響古祠靈風吹裂右營旗  
艾山一點張拳恨老柳斜陽剝落碑

其二

太白寒芒倒射營遙遙天意竟誰明  
直教一段公生死成就東方禮義名

其三

大樹悲風此地多斷虹時復渡遼河  
書生未勒燕然石頭白空吟出塞歌

其四

衝斗龍光滿月弧長河怒氣欲吞胡  
黃旗影下延年

死何限人間趙破奴

其五

勃勃如生怒嚼齧嚴風急電氣猶嗔  
無邊戟折旗埋處戰骨千年不化塵

其六

朔雪關雲萬里城遼東山色獨崢嶸  
當時若借元戎印天下安危可更評

輓人

平生靜拙少相知愛子襟懷坦不羈  
詩禮可能傳世業文章又是近天姿  
冰宮冷淡還清味風宇宏疎儘

遠期今日存亡翻我淚適來適去也應時

其二

玉壺明月照南樑疇昔清遊一枕涼夜篔簹論文燈兀  
兀晴樓觀漲水茫茫詩書嗜癖誠無已今古典衰意  
更長萬物方春生氣得江洲草色使人傷

柯汀遺稿卷之一

柯汀遺稿卷之二目錄

詩

次簡易銀臺二十詠 并序

遇松都詩人來訪

奉和 御製 社壇詩

奉和 御製命文正公尹 煌 不祧詩

奉和 御製書揭鐵原褒忠祠詩

龍恩尹公夫人趙氏輓 三首

以度支長將赴 太室修改之役待漏於洞口

一旅次卽余兒時舊廬也感以題壁

奉和 御製 獻陵幸行韻

尹清州 行儼 輓

謝沁都舊相權台贈菜

奉和 御製 敬奉閣改建韻

摠府直中和伴直李台 集斗 韻

直中無寐憂思輾轉吟成一律語多苦辭奉呈

太和想有以知此意

挹清亭和玉吾宋公板上韻

禁中次李知申 集斗 韻

金吾北檻次松江鄭公韻

聞羅海陽 烈 會于青城成士執 大中 宅追和其

詩三首

正宗大王輓詞 十一首

春日登孟園 四首

龍虎營詠白榦松

以京兆尹救月食

籌司夜歸

夜坐

度支新命

卽事

早春柳 二首

自歎

遣懷

送人 二首

春雨 三首

清明 二首

南殿修改

賀宋靜深 時淵 回甲壽席

書事

戲述

太和賦衰柳意甚愴恨和以解之

太和以春山詩自呼又步其韻

詠寫真

和家兒軸中韻

史局有僚官嫌太肥故漫題以廣言

送太湖侍郎洪太和東遊楓嶽 三首

白蓮峰送北伯李尚書喬伯 義弼

穎上任得汝 魯 宅遇畿伯李景深 始源 共賦

夕歸江榭疊前韻重寄得汝

平邱途中

曉發江行

路中效滄溟體 二首

古浪舟中

路中拈樊川韻

西化見店舍毀去

釜淵途中

兩松峙

村事

卽事

艮嶽

江岸見石工採家墓石

安昌橋

鳳凰臺 二首

砥平途中

潤筆菴

龍門寺

詠菊次兒輩韻

徐判尹 有大輓 二首

次家兒軸中韻

步軸中韻賦梅醅金應之 箕應 二首

題寅兒雪嶽詩卷 三首

白蓮峰李台喬伯宅與吳台克卿 載紹共賦

近以足病辭兵部不獲無聊殊甚夜續飛字呈

同庚克卿台座下

疊前韻呈白蓮老人

次白蓮老人見寄 三首

疎齋李忠文公致侑日謹步席上韻

克台覓茶戲呈一絕時酒禁方嚴而公適喪姬  
故及之

得酒泉倅應之書聞遊月城奉詩寄意 三首

乘月上西臺

曉覺

達河樓點漕

貞純大妃輓詞 五首

渡鷺梁

過龍驤鳳翥亭

果川途中 二首

南充館

新豐柳

恭瞻 華寧殿志感

孔文獻公瑞麟遺址

發墓下放舟

舟中遇雨

清心樓次牧隱韻

過梨湖值太和係官忠州不遇

楊根舟中

振威

牙山

過祖考舊居停

答族姪運永山菊韻

題扇面贈信禪

西閣梅發寄忠州洪太和刺史

李斗臣台升凌人來訪五首

追和未老閒亭韻

有事真殿齋居感懷示兒輩

訪花隨柳亭

西池觀魚

洛南軒

和安大汝光集

深谷書院敬次陶菴先生韻

曉渡銅津

南充縣奉和 先朝御詩韻 二首

江口遇雨

初秋拈西字環屬五篇

南都次杜工部秋興八首韻 缺二

舟泊 二陵洞口船上拈韻

柯汀遺稿卷之二

詩

次簡易銀臺二十詠 并序

丁巳閏月以知申事出入 闕中見銀臺詩

話崔簡易二十詠每乘公事之暇漫步其韻

積數十日其數滿足大抵崔詩成於促刻而

此則費日甚多古今人不相及奚止較三十

里哉聊以自笑

怪石

怪石陰森神鬼潛龍頭峻拔虎牙銛太湖浮出孤雲



片崑崙飛來半月尖蒲老小嵌春更細苔荒半壁露  
猶沾他時欲問支機蹟會待君平早捲簾

古木

銅柯剝落鐵根堅猶拂層霄插九泉落日龍蛇元氣  
活百年風韻故家傳崢嶸金闕銀臺側蕭瑟崩崖老  
石邊非是春心生半腹祇緣雨露不相捐

萬年香

巖姿猶向玉堂看淡影婆娑紅藥欄一碧春留經歲  
節層陰雲結萬年寒瘦同籬竹香全苦老伴屏杉葉  
更團莫是金盤承玉露芙蓉蓋上曉溥溥

四季花

百卉花無十日妍獨憐茲藥四時連繁華剩占長春  
好開落相銜一色鮮未必久留雲錦女也應長托紫  
衣仙人間最怕花神妬自葆真香莫浪傳

老松

疎影寒聲兩爽然軒屏咫尺泰恒巔真人鳳蓋長春  
色東帝龍鱗上甲年葉密猶能通好月根深知是引  
芳泉張良遠舉還多事平地元來有赤仙

烏竹

與可霜縑墨竹竿蒼筤粉籜影相斑葉如碧鳳棲梧

老身似烏龍曬甲乾直是瀟湘烟裏暗初非淇澳雪中寒看君骨節勅於鐵堪愧人間御史官

紅蓮

太乙花開落月盆池臺風動錦障翻朝霞上面香如醉旭日照心春半暄幾朵祥雲朝上帝九華仙帳降真魂花中獨爾稱君子愧把緋衣一色論

白蓮

削出天然雪裏葩影隨明月動虛沙騷人恨極捐瓊珮神女情深寄玉釵應是素心清水濯寧教皓質點塵加莫於紅白分優劣均作人間第一花

海榴

一樹丹葩萬里濤蓬萊別後又今遭人間春色於斯盛海外名花也更高漢塞葡萄隨博望秦園果木頌王褒若將色味登題品酸是楊梅醉是桃

山榴

嫣紅濃綠子盈枝甘雨酸風特地移華實猶難兼兩美生成况復在同時一春名冠甘泉譜五月花明吏部詩越海踰山均絕品調梅啖蔗屬伊誰

瑞香花

織錦薰蘭種玉年梅花之後杏花前洞庭春雪迷神

女廬阜東風醉老仙碧笋吐來猶暗淡紫茸翻了更  
嬋娟天香國瑞尋何處夢裏蒹葭水一邊

洞庭橘

包橘煌煌映大荒自天恩賚待烝嘗洞庭霜熟千頭  
實瀛海風吹萬里香爪破交梨凝白雪眼分叢菊曬  
秋陽陸郎去後無消息嘉樹誰家影覆墻

菖蒲

如藻如蘭潔且幽風輕露重不勝柔一春嫩葉清江  
曉九節靈根老石秋獵獵香傳工部句青青影入楚  
巫謳若云服食能延壽人世緣何有白頭

浮萍

水土之交綠且漪蛙衣滿地一望奇纖芽露濕魚纔  
吐密葉風開鷺欲窺遊子思歸春泛泛他鄉逢客水  
離離浮蹤不逐東流去爲是恩波足鳳池

楓

東華梧竹綠交庭獨伴黃花影入廳最愛酣姿秋後  
賞偏憐稠葉雨中聆吳江木落蕭蕭赤巫峽猿啼歷  
歷青應是化爲千歲老婆娑星月倚虛櫺

梨

梨花淡淡樹天天珍實秋來爽味饒白雪香殘妃子

涕寒冰漿解馬卿消天香且喜瓊林近靈藥無如閬苑遙寄語諸君栽種後莫容行蟻與春燒

木燈檠

燈架參差尺弱強鳧非為短鶴非長五更待詔猶懸壁六部治書各近床鏤錯金銀羞蠟燭瞻依日月少螢光嗤渠素乏焚膏力晚跡西垣正面墻

銅盥盆

清流何處洗塵心注得薇香似許深奉悅朝朝咸盥禮銘盤日日又新箴銅仙掌冷承霄漢玉女盆虛照古今苟使身如江漢濯一瓢奚啻抵千金

石鼎

斲出雲根筮鼎亨琢磨何似範型成鹽梅羹熟應知潔龍虎丹煎不染腥岐鼓苔生訛篆劃蘇餅茶沸恍簫笙象三鍊五神功後小器猶能大道行

地爐

地爐排置院庭幽下里博山堪足羞直是黃金鎔作炭亦知丹桂折為椶誰家陶穴工猶費太古窪樽風未休豈若聖人噓大鞠薰琴一曲煖青邱

遇松都詩人來訪

東岳壇前浙瀝風夕陽楓葉掛殘紅詩情倦矣黃花

老嘉客翩然皎月同南巷笙簫秋夜永西臺文酒暮  
雲空看君鬱鬱眉間氣且莫悲歌過渭宮

奉和 御製 社壇詩

玄壇珪幣穆將祈大有今秋占庶幾午夜星光涵鳳  
瓚辛朝雪色曬龍衣心香直上東風定天樂初成彩  
霧飛黍鼎自鳴先報瑞更徵魚夢獻彤幃

奉和 御製命文正公尹煌不祧詩

八松天下士高義復誰如明月魯連節嚴霜澹老書  
途窮身愈重名正術非疎去廟猶芬苾新恩賦冽餘

奉和 御製書揭鐵原褒忠祠詩

箕封一域免於夷柳下崢嶸大樹姿却憶去年銜命  
地淒風急雨奠杯時

賡進後數日賤臣適入侍 上俯詢曰卿賡  
詩中淒風急雨何謂也對曰臣於年前奉命  
致祭時風雨大作祭訖即止故心竊異之今  
於詩偶及之矣 上曰看詩知其為實際語  
也天地間誠有是理也

龍恩尹公夫人趙氏輓

龍恩余內叔媿德碩人宜卓識輝彤管貞徽護墨帷  
蘋蘩三節宅繩尺百年儀屢荷闔門教端莊古女師

其二

義方垂壺範儒素勗家聲劃荻兼嚴訓蟠花錫類榮  
德因攸畏著養以克勤成有耳尚嘆慕况茲親戚情

其三

滌灑恭爲子刀圭不儉親精誠寧有限恩愛更無因  
衛祔遵遺命瀧阡感古人未乾遷輓淚又灑啓輻晨  
以度支長將赴 太室修改之役待漏於洞口  
一旅次卽余兒時舊廬也感以題壁  
五十年前十歲童移家來住御泉東誰知此日重遊  
客便是遼陽化鶴翁

奉和 御製 獻陵幸行韻 己未

陵樹層層羽衛行恭瞻象設且屏營祥雲更拂龍旂  
影仙澗猶疑鳳蹕聲盛德東方天峻極重光黃道日  
初生微臣世忝陪 鑾列慣頌千年晉水清

尹清州 行儼 輓

三忠之後古人流展也風儀暫且脩金榜讓名羅隱  
困素琴爲政宓生優深知詔弟嚴如父多說臨哀善  
在憂長德凋零嗟世薄一行涕淚送寒舟

謝沁都舊相權台贈菜

沁館萍遊水一泡青盤却憶洗腥庖莫言故里親朋

盡惟有春薇是舊交

奉和 御製 敬奉閣改建韻

拱北門臨蹈海濤 三皇之德及秋毫金泥滿架天  
香重寶墨懸簷白日高萬世有辭封數級百年餘恨  
賦同袍幸於此地敦工役恍若紅雲侍琫刀

摠府直中和伴直李台 集斗韻

宮林森羽衛霜月且欄邊宦跡黃花對秋思白鴈傳  
偶同雙日直莫愛五更眠堪笑潘生賦猶然在少年  
直中無寐憂思輾轉吟成一律語多苦辭奉呈  
太和想有以知此意

悲秋如作客處世欲逃禪宋玉元非病潘生便少年  
故山聊寄月孤夢半遊仙會訪梅花去憑渠更結緣

挹清亭和玉吾宋公板上韻

星斗之前魚鳥間朱欄一曲白雲還登臨笑拂烏紗  
坐剩占春風別界閒

禁中次李知申 集斗韻 庚申

醉夢人間百事忙半生吾自笑吾狂衰年真覺詩朋  
重賢路徒慚拙者妨縱被浮埃生古硯猶堪華髮對  
春觴忽看禁樹雙棲鷺底意東風刷翮長

金吾北檻次松江鄭公韻

草赦歸來掃百忙朱欄橫出桎枷場水池徹底蓮心  
活也是無香便有香

聞羅海陽烈會于青城成士執大中宅追和其

詩

湖上何迢遞高風夙仰之餘生同白首先好盛當時  
一面雖違遠相知未缺虧如何雷肆講鴻羽便長辭

其二

良夜花前飲泠泠曙露團遐標傾日下孤憶若雲端  
老別深知惜春慵強自歡願言崇德業各保歲華闌

其三

吾儕今若是斯道未云非且放玄龜縮難淹紫鳳威  
條風餘醉重梅雪一寒微安得投簪紱從君借末輝

正宗大王輓詞

皇祖龍興三百朞 元陵虹節又申之時乘日月重  
光運挺出天人 上聖姿追琢其章逾勉勉淵凝為  
度濟熙熙於乎至德將何述留與名山太史知

其二

人倫之至即天成昔事 寧王若奉盈北斗舉觴融  
色笑十年嘗藥藹精誠湯孫繼統銀章重堯老分勞  
玉尺平願抱朱絃愀如見 兩朝慈孝曲中明



其三

先王制禮婉而微有事 宮園未敢違 閱寢月游  
承大禧 福軒春晚進斑衣儀文有限情何極天地  
雖窮道愈輝見說苔痕生 輦路日瞻門外淚長揮

其四

二酉齋深乙夜虛文章又是道之餘光承箕聖千年  
緒富有闔翁一統書從古帝王無此作中天雲漢竟  
何如冲融三五笙鏞化遺響泚泚返太初

其五

敬閣新泥幾時乾陽秋一部此地看乾坤不墜倫常

重風雨每思名節難扶正遠從神武籍褒忠先自  
魯陵壇羣芳歲暮留誰賞永激人間烈士肝

其六

無逸屏風曙色翻 彩眉嚔處念元元馨香社祭祈  
年爵哀敬齋居折獄言一雨孰非歸化妙十行都是  
布春溫祗今士女皆行哭不獨蠲絲減糴恩

其七

小德川流大德敦嵬嵬不與舜哉君天衣屢澣儀章  
煥燕寢纔容井里殷屏除芬華澄夜氣發宣功用影  
虛雲他時欲識謙光節石室元無檢玉文

其八

鳳曆初元奮遠圖麟經以後繼宏謨威加鬼窟雷霆  
迅春及陰崖造化俱不有陶鎔寧若是乃收聲臭寂  
如無從知二紀扶人極永揭千秋懼亂徒

其九

嗚呼竟未挽龍髯 仙馭迢迢不可瞻鴻業忍言中  
道棄天心猶見大橫占祥光日繞 冲王辰玄化雲  
垂 太母簾 宗國復看磐泰勢白頭人世愴歡兼

其十

疇昔仙岑陪鳳蹕神人悅豫彩雲停如今故道引龍

翼父老悲號寒日冥華堞纔成長樂衛 宮筵不復

老來亭 園陵萬歲相隣近山更葱葱水更靈

其十一

早荷殊知桂院叨中間孤夢在江臯天監素悃幽明  
泣雨洗丹書造化勞嗟以一身兼父子難將萬死報  
絲毫祇應他日陪雲御猶着人間舊賜袍

春日登孟園

壬戌

一雨東風晚景晴街塵不動雪融城名園僻矣堪孤  
往春氣淒其亦發生啼鳥聲中人起病落梅花處客  
偏驚登高作賦非吾事年少如君句句鳴

其二

灑却浮埃快也晴東風飛入百重城將軍池北水初  
泮仙尉園西草又生強抱春樽聊自笑任他霜髮不  
須驚徒然一段鄉山念拄杖時聽布穀鳴

其三

高臺軒豁遠天晴目送流雲更度城老去錯比平顛  
太史春來願學醉先生還山有約心如結經世非才  
寵若驚半日支頤何所思去聲暄禽一任樹間鳴

其四

花胎柳眼半陰晴強起春慵倚北城天地恩深空白

髮江湖路阻負平生驂鸞有分心猶着鍊藥無功夢  
自驚到底百年何事業沉吟松下暮鐘鳴

龍虎營咏白榦松

一種滄桑白榦松歸來遼鶴更相逢風霜三十年間  
事半入浮雲半化龍

以京兆尹救月食

嫦娥厄運訴瑤天黑青橫侵素魄圓定識癡蟆吞不  
敢急呼元兔守彌堅金甌缺處中興業玉鏡虧時再  
合緣佇立須臾光復滿陰弓瞽鼓力何焉

籌司夜歸

籌司近日事如麻金穀書堆鬢雪加侵夜歸來猶帶  
月入門先問灌梅花

夜坐

月隱鐘微酒半醒天街萬象露形形三垣七宿森羅  
外誰是江湖退士星

度支新命

五年三典大司農徒以疎才聖代逢且掩床頭張翰  
傳誰人不道宦情濃

卽事

齋非繡佛飲非仙南郭先生更嗒然獨有春來神會

處杏林微雨柳橋烟

早春柳

妬碧羞黃態色齊初如脉脉轉如迷祇應染黛嫌狼  
藉畫未了時春半低

其二

陽坡軟綠已云滋問爾如何放眼遲試待嫩條垂滿  
地爲君全護養魚池

自嘆

頭白豪情負小時塵緣又被簿書欺自憐中歲多憂  
畏二十年間不及詩

遣懷

晚卸朝衣戴山中芳園又接孟氏隣  
落梅樹下看公事啼鳥聲中對吏人  
豈解了勘當世務祇堪全領自家  
春東風欲送鄉原夢吹斷浮雲度漢津

送人

萬物芸芸各自依白雲何事更孤飛  
草纔放色堪維馬柳未成絲亦挽衣  
浮世無如留客飲百年羞道謝官歸  
憑欄少睡彌明去樽有餘香燭欲微

其二

卽看春物轉依依嬌鳥啼羣燕子飛  
楊柳精神風灑

面杏花時節雨盈衣誰言事佛能邀福  
除却成仙摠未歸紺嶽山南芳草遍  
愁君此去路熹微

春雨

雨聲禽語兩紛紛也是花神解返魂  
遙想歸人江路滑倦驢徑入白烟村

其二

史閣焚香罷晚衙纔過寒食禁烟斜  
歸來小雨霏微後開遍連翹半畝花

其三

風吹霜髮任鬢髻向晚高臺倚半酩  
燕子初歸花欲

動不知春色爲誰多

清明

栽梅種杏漸齊墻不恨流光喜播芳纔報林園春又  
至翻驚白髮日俱長詩情似夢元無定酒氣如花到  
底香但使此心終自保買山何必水雲傍

其二

清明小雨洗宮墻滿地萋萋時物芳懶夢不知花影  
轉閒愁爭似柳絲長元非公瑾人如醉且喜荀君座  
有香久判白頭春事倦如何更倚老梅傍

南殿修改

游衣朱瑟愴如新簾捲東風殿閣春除却雲鄉歸拜  
外人間能得幾朝真

賀宋靜深

時淵

回甲壽席

人生花甲便須臾可道飛仙是葉鳧君子燕敖樽有  
旨春風鄉社杖初扶兒緣拜丈忒遊嶽婦爲寧親耐  
戀雛堪愧老儂差長日壁間空掛五湖圖

書事

戲墨盈箋酒滿觴飛花歷亂更堪傷縱然旋舞如蝴  
蝶不是尋香却播芳

戲述

古者仙人有葛翁頽齡八八遇蟾公何時不可黃庭  
讀年數依然大易通自笑檢方無所效徒爲較甲竟  
奚功從今與子花前醉卽是丹家一轉工

太和賦衰柳意甚愴悵和以解之

金城灑泣一何衰好是婆娑偃曲池雨露不知身半  
朽風情猶自夢如絲偏憐節氣芳羣物未斷春心碧  
數枝定識栽來陶令壽分根成列摠垂垂

太和以春山詩自呼又步其韻

龍蟠鳳舞勢浮浮紫閣東風翠欲流濃處嬋娟渾似  
夢盡時蕭灑半疑秋烟花萬戶縈平麓氣色宸居耀

上州誰道此中多捷徑知君頭白倦春遊

詠寫真

愁鬢厖眉老且孱丹青猶不借韶顏傳神定在棲心  
處試覓龍門水石間

和家兒軸中韻

花事居然老北園禽聲又作滿林喧誰人日與吾兒  
好勝會春留彩墨痕豈有琳琅雙壁陸摠爲磊落一  
流溫欲知白首怡心處定在圖書不盡言

史局有僚官嫌太肥故漫題以廣言

烏玄鵠白兩堪憐萬象尖圓也適然笑拂壁間長命

畫始知天上有肥仙

送太湖侍郎洪太和東遊楓嶽

三十年前海嶽遊永郎消息竟悠悠  
憐君逸興空如許未入山時已白頭

其二

三千蓬海一浮漚欲採蘋花更莫由  
試向白雲臺下問為誰新抹萬峰秋

其三

小少文章第一流十州蹤跡漫沉浮  
那知老作蓬萊客處處題詩紅葉稠

白蓮峰送北伯李尚書喬伯

義弼

山中宰相北關幢溪上壺樽起我慵  
霜鬢明朝離別後相思長對白蓮峰

頽上任得汝

魯

宅遇畿伯李景深

始源

共賦

置屋懸崖地自高低臨大道送勞勞  
林間濁酒深留客郭外寒花晚蘸袍  
芋栗日肥滋夜氣江湖歲晏足歸舸  
浮生未易逢場笑為子欣然倚北臯

夕歸江榭疊前韻重寄得汝

崢嶸秋色與山高迴斡天機不自勞  
客到白雲叅野席酒闌紅葉下征袍  
百年淨地寥寥卷萬事虛汀泛



泛舸明日龍門孤去路為君回首步江臯

平邱途中

西風日急葉初飛馬首龍門古逕微  
世事東流無處泊名山秋至幾人歸  
不須望遠愁長道聊且登高駐  
晚暉久矣吾行匏繫似故原霜露欲霑衣

曉發江行

月落空汀宿鷺飛行行熟路尚熹微  
薄勘非許殘骸退少暇猶能故里歸  
馬上西風寒露節鴻邊秋色夕  
陽暉遲遲不妨穿江岸菊蘂楓根正挽衣

路中效滄溟體

拍拍江連萬里天無邊秋色白鷗眠  
西風落日龍津渡人坐蘆花畫裏船

其二

楊江落木鴈橫天醉裏詩成馬上眠  
公物人間山與水秋光偏屬釣魚船

古浪舟中

龍門山色鴈邊生一曲蒹葭萬里情  
岸底漁家知不遠西風吹斷喚舟聲

路中拈樊川韻

山風浙浙店烟斜太半行人在酒家  
江岸舊盟隨白

鳥峽居秋事老黃花不緣小罪辭天上那有豪情到  
水涯寄語雲邊遐舉者春明一出路非賒

西化見店舍毀去

墟烟消盡菜畦新老馬彷徨故道塵每說人生如逆  
旅那知逆旅甚於人

釜淵途中

迴復經重巘人烟遞有無踰岡午饑健掛壁晨樵孤  
鄙事供詩藻荒秋合畫圖謂余曾地部貧戶欲號呼

兩松峙

兩峙限東道十州形勝無放鷹知俗武穿虎怕行孤

元將蹉良策麗王據壯圖成虧俱寂寞長嘯北風呼

村事

解官歸故里田事亦云休舊面爭輸欵新膠不待求  
登高聆鴈度臨水翫魚游回首蟾江月猶懸玉宇秋

卽事

衰病今如許爲官且可休風霜時則暮水石日相求  
翁醉江州酒兒謀太史遊楚歌中轉激添作錦屏秋

艮嶽

柳氏疎槐李氏瑩原平湖濶暮烟生繁華一代今消  
歇贏得南朝艮嶽名

江岸見石工採家墓石

牛背西風載醉還雲根看採莽蒼間不知峴首生苔  
石猶出羊公宴飲山

安昌橋

江岸蕭蕭葉下時一年秋色日淒其磯頭爲問垂綸  
客釣得鱸魚賣向誰

鳳凰臺

拍拍層霄迥汎汎無極深鳳凰今寂寞臺榭日蕭森  
石古疎翁操潭虛澤老心誰知烟火淺突兀見穹林

其二

臺上春雲散舊遊臺前秋水泛新流楓含夕照閃蒼  
壁鴈度西風迷遠洲勝地苔深仙侶迹前塵木落故  
人邱丹禽不至荒林晚一曲狂歌楚客愁

砥平途中

行行砥州道歎息凋人顏刈秋田主悍賣醉酒翁奸  
峽俗猶如此世途良可艱淳風無力挽駐馬倚林間

潤筆菴

千秋牧老事堪誇漫把文章施佛家獨有孤僧開古  
篋夜深燈下誦蓮華

龍門寺

龍門三日作山行却笑登臨應接忙積翠如嵐翻作  
雨老楓縈壁欲凌霜醉堪秋色杯中落夢怕泉聲洞  
外長仍想故人遊海嶽何如咫尺到仙鄉

詠菊次兒輩韻

高節花中小泰山前身記得是金環非從馥馥方奇  
絕已識遲遲不等閒天地未亡香種子風霜能有好  
容顏何須對俗馳聲譽獨泛寒樽暮掩關

徐判尹有大輓

不露聲威不伐名清朝隱若一長城風雲白首逢  
三聖談笑春樽擁六營未必平陽天所借定知新息

老而英南園花樹深如夢肯遣纖毫惱此生

其二

蒼茫先子聘槎年幕府英豪蓋有緣掀海濤前翻巨  
柁長虹起處護樓船自從絕域同生死不向窮途更  
變遷人世悲歡餘舊物淒風大樹淚泫然

次家兒軸中韻

華燭留人素月添滿囊風物未全廉嗟吾白髮塵緣  
久付汝梅花樂事兼一醉祇堪輸意氣百篇何必較  
穠纖儂行從此投兒社高和柴桑笑子瞻

步軸中韻賦梅疇金應之

箕應

艷質仙姿色色添梅兄生業未全廉虬枝欲暖潛雷  
動蝶蘂纔香瑞雪兼一夢羅浮情更遠故人秋水恨  
空纖須君自愛無相妬終教千花仰面瞻

其二

老石靈泉一格添楊州花亦隱之廉雲林舊約年華  
晏香界何官吏隱兼疎影自生虛室白春心不隔絳  
紗纖思君黯黯情何似澹若相忘忽更瞻

題寅兒雪嶽詩卷 癸亥

白頭多負雪山秋付與青春辦壯遊恰似漢時班定  
遠晚教阿勇入中州

其二

寒溪觀瀑樂如何回憶龍門和醉歌不妨茲遊輸一  
着名山消息起余多

其三

名山無限度秋風歸計差池一夢中試問寒溪潭下  
物仙緣猶在白頭翁

白蓮峰李台喬伯宅與吳台克卿 載紹 共賦

尚書樓外洞禽飛秋樹蕭森捲翠微未應簪紱能爲  
累但道溪山便是歸笛裏白雲生遠意樽前紅葉笑  
殘暉不須臨水勞相送去渡橋時月滿衣

近以足病辭兵部不獲無聊殊甚夜續飛字呈  
同庚克卿台座下

秋事居然葉亂飛南湖又送故人歸梅詢淹病功名  
倦李絳辭官志願非醉惜籬花空的歷夢憐鄉路半  
依微伊來獨有城西會三日醪香在客衣

疊前韻呈白蓮老人

逝水流光迅若飛往年遊迹半依微故人醉起黃華  
動秋思蒼茫燕子歸佳節祇應催白髮長繩那得繫  
斜暉知君不惜谿山費用盡床金更典衣

次白蓮老人見寄

清真元故態誰復笑山翁結屋蒼崖側置樽叢菊中  
泉靈詩肺健林豁道機空最是忘言處泠泠澗底風

其二

隔岸通三徑尋雲對兩翁仙非逃物表隱或處朝中  
淹病衣常懶辭官酒易空長歌流遠夢要不負秋風

其三

摠戎乖本色靈藥負衰翁帶劔天香裏哦詩曉漏中  
萬緣歸一道素志信蒼空會待解符去聽君松下風  
疎齋李忠文公致侑日謹步席上韻

英廟宗功有四臣百年崇報侈明禋東都舊郭多喬

木白馬空江長綠蘋萬古雲霄常護日一番風雨未  
終旬于今與宴皆華胄太半當時黨籍人

克台覓茶戲呈一絕時酒禁方嚴而公適喪姬  
故及之

樽盡帷空漫乞茶故人相問冷生涯何如更覓檀香  
瓣燒處分明見絳紗

得酒泉倅應之書聞遊月城奉詩寄意

東京物色近何如萬事荒城草樹虛悵悵舊遊頻入  
夢白頭重對故人書

其二

半月城邊黃葉秋酒泉太守更風流逢人試問前朝  
事猶說吾君此地遊

粵在 先朝賤臣以松留入對 上詢故都

遺風賤臣對曰臣少遊東京路逢一菜姬問

半月城何在姬歔歔曰此是半月城舊時吾

君宴遊處也依然有遺民之思今觀松都人

舊於麗太祖陵不曰麗太祖陵而曰太祖陵

近自四五十年來乃稱麗太祖陵云寔 聖

朝之深仁厚澤有以忒革其頑心亦可見麗

德之入人不及羅代遠矣 上曰善是篇蓋

用此意也

其三

茫然開國二千年多少英豪摠可憐一自孤雲歸隱  
後至今南俗認成仙

乘月上西臺

可辭頭上帽那禁手中杯清月隨人至長風吹夜開  
祇緣喧暫息聊與意俱來不有諸君少如何暮上臺

曉覺

曉覺非衾冷惘然自老翁窓虛生薄雪梅落動新風  
萬想回燈下殘詩續夢中翻驚門外吏抱牘欲成叢

達河樓點漕 乙丑

貢舶浮來萬里流米塵不上水邊樓京師自古通漕  
道江漢終能負大舟海色門臨潮打處春風簾捲鷺  
飛頭疎才豈合題黃鶴壺酒猶堪與子謀

貞純大妃輓詞

鷄林莘摯國世作 哲王妃相繼百年德有光 三  
聖治化隆中壺洽功大外臣知豈曰無彤史其如不  
盡思

其二

抗裘非得已悽咽 玉音承曾揭麟編炳終教駿命



柳江遺稿 卷之二  
疑艱危天降任舒卷道無恒欲識玄功著須看赫日  
昇

其三

攘邪躋正路焚籍齒平民用處人皆仰藏時化若神  
明堂初返政長樂更頤真誰料於花甲瑤觴未及陳

其四

奉冊推如事嗚呼竟莫追太虛雲過日東海澤流時  
平糴遺廊廟省供歸度支 徽音浸已遠 宸慕慰  
何辭

其五

昔舜蒼梧葬皇英蓋未從何如 大行卜爰及 聖  
人封碧落雲輶合玄宮玉匣雙 三朝餘白髮俯仰  
淚盈胷

渡鷺梁

沙邊少女白水際新蒲青莫笑漁翁醉終然是獨醒  
過龍驤鳳翥亭

江漢之波流不停陪 盤古渡去修 陵津南一帶  
垂楊岸步步回頭鳳翥亭

果川途中

帽上黃埃吹欲零東風知自綠蘋汀忽看白鳥銜魚

去飛度長江幾曲青

其二

水苗如織麥如油望裏春風翠欲流聞道旄魚新入  
夢老農何事未紓憂

南充館

驛館流鶯坐獨聽東風不肯動簷鈴如何地主深淹  
病空遣梨花落滿庭

新豐柳

新豐樓下柳成行摠是先王種得香問爾垂垂今  
幾尺遺民白髮更偏長

恭瞻 華寧殿志感

雲歸沛里春暖日落蒼梧夕寒獨有舊臣涕淚時朝  
原廟衣冠

孔文獻公

瑞麟

遺址

已卯名賢老孔公古橋梅樹自清風爭瞻瑞鳥爲時  
出誰遣祥麟怨道窮素學不違清苦字危言空任激  
揚功行人指點琴書宅留作龜陰數仞宮

發墓下放舟

邱原淒白露三宿出疎林欲起沙洲鴈難爲江漢心  
帆颺凌鶴背歌烈激龍吟投紱便成隱買山何必深

舟中遇雨

中元本佳節小雨捲空冥江寫愁眉白山交老眼青  
壯心猶宿昔吾道欲凋零自笑孤舟客生涯一醉醒

清心樓次牧隱韻

朝辭簪笏暮江端魚鳥迎人有好顏白塔晴留千古  
月龍門秋並幾名山 二陵氣色來天上異代文章  
落世間會向東湖修舊社此行非為等閒閒

過梨湖值太和係官忠州不遇

指點梨湖岸遲回遠客舟已驚林社寂應被郡齋留  
江月同誰賞籬花不我謀聊知經去後秋夢兩悠悠

楊根舟中

葛山之下鋪平流滿袖西風白雨收遠客孤舟明月  
夕故人斗酒大江秋也知岸蘂如相笑非是沙禽可  
自由十載塵埃成底事歸來贏得雪盈頭

振威

振威如斗邑無足說官民廣野連平澤浮雲接貢津  
吳山秋更屹楊壘迹如神一路交湖嶺多逢罷郡人

牙山

環縣山如屋林疎寂訟庭雲空收稻野風滿繫漕汀  
故里旌忠武殘碑頌土亭沔唐稱福地天際露孤青

過祖考舊居停

吾祖經辛壬百年留謫廬鶴橋曾杖鳥鵬舍乃巾車  
何世無碁變於茲有劫餘願言耕此土遺訓欲沾裾

答族姪運永山菊韻

播芳堪顧眄蓋險失吁巖花未如錢大香能吹帶垂  
霜繁空抗節華少敢求知生質元如此無心慕艷姿

題扇面贈信禪

溟岳摩尼一夢牽江干飛錫又欣然從今我亦投簪  
笏更結名山未了緣

西閣梅發寄忠州洪太湖刺史丙寅

千里迢迢隔故人梅花樹下更傷神縱然處在朱樓  
側猶是孤山冷淡春

李斗臣台升凌人來訪

南都春色逐人還曾是先朝陪蹕間誰遣東風歸  
沛社每看零雨度梧山疎狂到老官仍懶施措無才  
境自閒且喜花前成一醉殘香不妨墮衰顏

其二

老去如流不可還相携白髮坐花間高臺雨過春連  
野危堞雲垂勢跨山對酒屢停非自愛哦詩未就亦  
消閒問渠肉食如何瘦應是歸田也駐顏

其三

十日長安九往還分司物色馬蹄間桃花雨足三屯  
水天蹕香留八達山營洛意深 仙寢護留臺愧占  
老臣閒逢君又值清明節樓閣春樽一展顏

其四

浮雲如往月如還摠入新城感慨間簾燕初歸春滿  
院林花欲落雨連山微臣才薄將何報 聖主恩深  
許養閒最是 行宮揮淚處至今 宸墨掛楣顏

其五

春城斗酒送人還悄倚樓臺夕照間歎息欲尋花落

處欣然更對雨過山餘生職叨兼總理遺旨亭瞻未  
老閒御柳加長臣髮短爲誰爭較十年顏

追和未老閒亭韻

隱約林亭六檻斜滿城紅紫在官家東風勸我秣康  
酒長日留君陸羽茶無奈春歸忙駟隙可堪頭白困  
烏紗人生每羨如花少誰見人間十日花

有事 真殿齋居感懷示兒輩

愀如朱瑟曲中頤 寶殿仙香繞月衣古社風雲春  
寂寞 先朝花樹晚光輝聖人業盛時猶邁滄海恩  
深淚未晞白首分司何所事恭將牲幣願無違

訪花隨柳亭

畫閣臨流霽景斜滿城風物競韶華  
半山烟樹浮行殿一道晴川貫萬家  
應是低迴雲裏駕莫教飛盡陌頭花  
春慵酒困渾無賴輸與諸君賦落霞

西池觀魚

官陂養得尺魚肥呼集漁人遂合圍  
風絮飛時收網急暖蒲深處漏鱗稀  
人間直釣迷消息象外忘筌混是非  
壺酒未乾歸莫遽不妨扶醉露生衣

洛南軒

尚憶先王御此軒山川滿目淚空繁  
宮花自落春

無迹廟栢相連月有痕孤夢前塵陪洛蹕  
餘生何處奉堯樽檻前賜對猶如昨  
多恨當年未盡言

和安大汝

光集

林鳥巖雲各有依憐渠獨減帶邊圍  
浮榮未足爲文繡清士常多困白衣  
鹿院絃歌吾黨重灞橋楊柳故人歸  
斯翁老乏吹噓力歎息百年心事違

深谷書院敬次陶菴先生韻

山開夫子像水流夫子心夫子今已歿  
絃誦在龜陰

曉渡銅津

落月蒼然曉色空茫茫天水一鴻濛  
眠鷗立鷺應無

數不辨平沙淡靄中

南充縣奉和 先朝御詩韻

郵吏官僮慣送迎陪鑾舊道淚成行富林軒北千竿  
竹盡是 先王種得生

其二

南充山色笑相迎何事勞勞又此行且待淵明秋見  
月柳陰歸作醉先生

江口遇雨

滄江急雨片時秋多少行人駐水頭衣上塵埃車上  
熱爲君湔拂有輕舟

初秋拈西字環屬五篇

一番寒雨度城西客意蒼茫憶舊谿官閣夜涼棲燕  
老禁林風足晚蟬嘶江湖滿地秋先到進退愁人夢  
欲迷差喜蘇仙舟泛夕不嫌頭白與君携

其二

秋之爲氣沆漻兮一掬微涼盡檻西燕子何知如悵  
望芙蓉抵死不垂低名都送客多佳釀公事哦詩又  
自題已矣金丹消息暮霜毛獨與古人齊

其三

高臺四望楚雲低柳葉城邊草樹齊白首官棲華嶽

下碧天涼動 健陵西殘年秋色如相待落日歸人  
醉更携最是送君難制淚冷蟬晴鳥一時啼

其四

先王城闕露淒淒畫角清笳月半低此夜佳人將進  
酒涼秋詞客倍含悽田園賦就酬元亮山水圖成做  
子西獨倚欄干人散後庭梧策策曙烏啼

其五

南樓餘興又提携碧落無雲北斗低何處更邀今夜  
月遊人多在萬年堤荷邊對酌金波灩柳下欵巾玉  
露淒數點蒼峰來入眼不知秋色在簾西

南都次杜工部秋興八首韻

缺二

先王花樹半疎林霜露南都氣颯森萬歲山虛生夜  
響三池水淨落秋陰樓臺蕭瑟紅雲影裘帶婆娑白  
首心欲識 聖人功化處萬家涼月早聞砧

其二

悽悽輦道樹陰斜想像 先朝度翠華無數歸鴉棲  
粉蝶可憐零葉擁苔槎風波夢冷仙人枕城闕寒生  
衛士笳往事如今桑海變一樽寥落對寒花

其三

層城畫閣欲斜暉曠昔經營轉渺微花岳非緣紅樹



重龍池空遣白雲飛身將暑退心猶結夢與神謀事  
更遠近得鄉園消息到門前秋水一篙肥

其四

浮萍身世似翻碁年少歡娛老去悲祿厚每憐窮居  
日官閒回笑鞅掌時龍池方盛 三朝渥燕子先歸  
一退遲無限樓臺無限月問君何事苦相思

其五

先王宮闕舊河山羅絡蒼烟白雨間佳氣長浮花岳  
界秋光遲入禿城關滄波雪照愁邊鬢河漢天高夢  
裏顏歲晏不堪歸思切留臺猶是屬朝班

其六

朝陵一路掛城頭城頭老吏早驚秋自憐白髮無所  
及不知紅葉有底愁但令郡政能馴雉未必官池不  
下鷗宿疾未蘇才更短故山霜露憶原州

舟泊 二陵洞口船上拈韻 戊辰

津籤過雨一篙平隨意漁舟野客情江旭偏能增氣  
色岸花猶復助光明春陰每結夷陵土急電時翻勾  
踐城之子莫愁歸路暗太湖東畔月初橫



